

«Ina honur che legra mei zun fetg»

Clemens Sialm – oriunds da Mustér – ha retschiert il tetel da docter d'honor dall'Universitad S. Gagl

DA HANS HUONDER/FMR

■ **Clemens Sialm ha retschiert il tetel da docter d'honor dall'Universitad S. Gagl. Il convischin da Mustér habescha dapi biars onns els Stadis Uni d'America ed ei dapi plirs onns professor per finanzas ed economia all'Universitad Texas/Austin. La distincziun d'honor a S. Gagl nua ch'el ha studià pli baul, ha el retschiert per sias lavurs scientificas.** Dacuort ha l'Universitad S. Gagl surdau plirs tetels d'honor. *Thomas Schmidheiny* ei daventaus niev senatur d'honor dalla scol'aula, *Ann Langley, Andrea Prat* e *Clemens Sialm* han retschiert il tetel da docter d'honor.

Per la lavur scientifica

Clemens Sialm ei carschius si a Mustér. Suenter haver fatg la matura al gimnasi dalla claustra ha el studià all'Universitad S. Gagl. Suenter quei studi eis el senatur els Stadis Uni d'America per scriver leu sia dissertaziun. Dapi biars onns eis el professor per finanzas ed economia all'Universitad Texas/Austin. Ch'el ei vegnius honoraus dacuort dall'Universitad S. Gagl ha plirs motivs. Els sebasan sin siu interess da perscrutaziun sil sector dall'investiziun sco era dil provediment per la vegliadetgna e taglia. «Sil sector dall'analisi dallas prestaziuns da fonds d'investiziun ei Clemens Sialm in dils scienziats dominants. El ha scret lavurs scientificas fetg profundas che furneschan impurtontas enconuschientschas per l'academia e la pratica», scriva l'Universitad S. Gagl ella resumaziun dil text da honoraziun per



Dacuort ha l'Universitad S. Gagl surdau a Clemens Sialm il tetel da docter d'honor.

MAD

Clemens Sialm. Denter auter documentescha el, che fonds d'investiziun cun ina differenza positiva denter la rendita efectiva e la rendita dalla facultad, portan igl avegnir in avantatg finanziàl sur condiziuns economicas en svilup.

«Grand plascher»


La FMR ha contonschiu Clemens Sialm els Stadis Uni d'America e silla damonda, tgei che quei tetel munti per el, di il honora: «Naturalmein che quel legra mei zun fetg, cunzun perquei ch'el ei vegnius surdau a mi dall'Universitad S. Gagl. Leu hael jeu studià avon biein 25 onns. Il tetel ei ina biala reconuschientscha per mias lavurs da retschera dils davos onns.» El sergordi bugen dil temps da studi a S. Gagl: «Jeu hael fetg bunas regurdientschas dall'Universitad S. Gagl. Gl'excellent gimnasi alla scola claustrala a Mustér ha preparau mei bein sin miu studi a S. Gagl ed ha silsuenter aviert a mi in niev mund ed ha motivau mei da profunder mes studis d'economia. Ils studis a S. Gagl han influenzau miu patergar economic ed jeu sundel fetg engraziavels a mes professers.» Silla damonda, schebein el savessi s'imaginar da retturnar en Svizra e forsa era luvrar cheu di Clemens Sialm: «Demai ch'jeu hael ussa famiglia cheu ell'America, eis ei buca aschi sempel da turnar anavos en Svizra. Denton, ins sa mai tgei ch'igl avegnir porta.» Davart sia lavur els Stadis Uni d'America di el: «La retschera scientifica dall'economia e da finanzas ei aunc adina fetg concentrada els Stadis Uni. Denton han las universitats dalla Svizra fatg grond progress ils davos decennis. La retschera ei ozildi fetg internaziunala.» Il mument lavuri el cun col-laboraturs ell'America, ell'Asia, ell'Australia sco era ell'Europa: «Quels contacts cun differentas culturas promovon in patergar pli aviert e creativ.»

■ LUMNEZIA

Treis auturas prelegian a Vella

(fmr/mc) Questa sera allas 20.00 envia la Biblioteca Lumnezia ad ina prelezz cun treis auturas romontschas; *Carin duff, Leontina Legier-Caviezel* e *Rut Pfund*. Caduff e Lergier ein oriundas d'America e vivan oz ella Bassa, Rut Pfund Lumnezia e vivan oz ella Bassa, Rut Pfund schatg da lur ovras e dattan denter autras risposta allas damondas: Tgei era schatg lezza sera a Crestas? Daco ei il tschadur buca vegnius tier la Capets Cotschna? Ed ei la posta uss propi schatg? La bibliotecara *Petronella Caviezel* beinvegni ed *Anita Capaul*, la menadora dalla Chasa Editura Rumantscha, mo rescha la serada litterara. Entrada li cun meisa da cudischs. Las distanzas protecziun prescrites vegnan risguardas. Per la segirtad vegn cusseglià purtar mascrtinas.

■ MUNT S. GIERI



Sils visitaders dil Munt s. Gieri a Vuor